

## ZAPISNIK

**Sa XXVIII proširene sjednice Upravnog odbora Udruženja poslodavaca u Federaciji BiH koja se održala 17.06.2015. godine sa početkom u 11:30 sati u Hotelu „Mepas“u Mostaru.**

**Sjednici su prisustvovali članovi U.O.;** Safudin Čengić, Hamed Šivšić, Milenko Čolak, Midhat Terzić, Ibrahim Meškić (umjesto Rasima Salčinovića), Adnan Hodžić (zamjena Rusmir Hrvić), Stipe Prlić, Vejsil Huremović, Alma Šahbaz (umjesto Harisa Muslića), Predrag Čović, Ante Suton, Josip Milas, Šaban Rizvić i Adisa Karahodžić (umjesto Muharema Sejdića).

**Sjednici nisu prisustvovali članovi U.O.:** Suad Ećo koji je opravdao svoje odsustvo.

**Članovi ESV-a za teritorij FBiH:** Mirsa Tuće i Edin Ibrahimpašić.

**Ispred UP FBiH:** Mladen Pandurević, Mersiha Jusić, Ilda Jugo i Vesna Smajlović.

Sjednici je prisustvovao Premijer Vlade Federacije BiH gosp. Fadil Novalić i njegovi saradnici.

Pored Premijera Vlade FBiH i njegovih saradnika sjednici su prisustvovali i Ministar razvoja, poduzetništva i obrta FBiH gđin. Amir Zukić, Ministar za promet i komunikaciju Denis Lasić, Gradonačelnik Grada Mostara, Ljubo Bešlić, Ministar gospodarstva Vlade HNK, Amar Zagorčić, sekretar Ministarstva za energiju, rudarstvo i industriju, Stipo Buljan, Zamjenik Ministra za poljoprivredu, vodoprivredu i šumarstvo, Dekan Ekonomskog fakulteta, Željko Šain, direktor Uprave za inspeksijske poslove FBiH gđin. Ibrahim Tirak, direktor Porezne Uprave FBiH gđin. Midhat Arifović, prof.dr. sc. Vjeko Domljan, predsjednik Privredne komore FBiH, Marko Šantić, potpredsjednik Razvojne banke FBiH, Borislav Trlin, te predstavnici drugih institucija.

Sjednici je pored članova UO i ESVA- prisustvovalo preko 200 predstavnika poslodavca iz cijele Federacije BiH.

Predsjednik U.O. je pozdravio prisutne i upoznao sa jednom tačkom dnevnog reda:

- 1. Razgovor poslodavaca sa Premijerom Vlade FBiH i resornim ministrima o poduzimanju prioriteta mjera UPFBiH za poboljšanje poslovnog ambijenta.**

Predsjednik Udruženja poslodavaca FBiH Safudin Čengić je kazao kako su po prvi puta u prigodi da, ono što poslodavci smatraju da treba biti prioritet, bude uvršteno u program Vlade.

Dalje je istakao da su političke strukture u FBiH, zbog nemogućnosti međusobnog dogovora o vlasti, faktički zaboravile obećanje da će im prioritet biti privreda i reforme. – Smatramo da je neodgovorno doći u poziciju da nemamo Vlade koja može funkcionirati – istakao je Čengić.

Raduje nas da je to stavljeno na papir. No, ono što nas brine u ovom trenutku jeste činjenica da imamo sedam mjeseci iza sebe, a nemamo nikakvih konkretnih poteza. Očito je da su političke strukture unutar Federacije, zbog nemogućnosti međusobnog dogovora, praktično zaboravili na ono što su obećali na početku, a to je da su prioriteti gospodarstvo i reforme, kazao je Čengić.

U samom uvodu je inicijativni odbor poduzetničkih gradova (Gračanica, Tešanj, Gradačac i Goražde) iznio svoje viđenje prioriteta u provođenju reformi. Nakon toga su poduzetnici pojedinačno iznosili svoja viđenja prioriteta.

Učesnici u diskusiji (Bihaćka pivovara, MS WOOD, Širbegović, MCI, Bekto Preciza, Alma Ras, TMD-Goup, Meridian Zenica, UPKP i drugi) su obrazložili probleme sa kojima se susreću u svojim kompanijama ističući da je te probleme potrebno hitno rješavati. Iz diskusije velikog broja poslodavaca moglo se izvući pitanje: „Da li će politika dati šansu reformama?”

Nakon diskusija privrednika premijer FBiH Fadil Novalić je detaljno obrazložio prioritete i metodologiju u provođenju reformi.

Gdin. Novalić je istakao da privrednici u suštini ne traže ništa drugo, već ono što je Vlada obećala kroz ekspozice i ono što predviđa reformska agenda međunarodne zajednice. Kada je u pitanju Novi Zakon o radu i kada se može očekivati njegovo donošenje, premijer je kazao kako se do kraja juna mjeseca moraju završiti pregovori između poslodavaca, Vlade i sindikata. Ako nešto ne bude usuglašeno onda će Vlada iduću mjesec odlučiti što će se točno usvojiti. Drugo je pitanje kako će to ići u Parlamentu, ali vrijeme je da pod reflektore izvučemo svačiju odgovornost – dodao je Novalić.

Na pitanje poslodavaca kako će Vlada pokazati odgovornost prema građanima i poslodavcima kada se još bavi sama sobom, Novalić je kazao da će “već od danas Vlada krenuti s reformskim procesima. Poslodavci su od federalnog premijera zatražili cjelovitu reformu opterećenja na rad, radno-pravnog zakonodavstva, reformu javne uprave te ukidanje raznih nameta koje poslodavce sprečavaju da budu konkurenti na tržištu.

Na kraju svog izlaganja Premijer Novalić je istakao nekoliko pitanja koja su prioritetna i na kojima će Vlada odmah početi raditi. Prioritetna pitanja su :

- 1) Pitanje upućivanja u proceduru novog Zakona o radu će biti riješeno do kraja jula 2015. godine. Ključni datumi za Zakon o radu su 01., 08. i 28. juli;
- 2) Vezano za poticaj zapošljavanja i smanjenje sive ekonomije planirana (azijska abolicija);
- 3) Izmjene Zakona o doprinosima u smislu oporezivanja t.o.;
- 4) Povezivanje radnog staža;

- 5) Smanjenje troškova administracije planirano do kraja godine. Planirano je ukidanje i objedinjavanje oko 30 fondova Vlade FBiH;
- 6) Pitanje donošenja Zakon o šumama bi se trebalo pokrenuti u roku od 2 sedmice;
- 7) Formiranej privrednih sudova;
- 8) Efektivno smanjenje obaveza poslodavaca;
- 9) Jedinstven račun za uplatu svih obaveza i doprinosa;

Na kraju gđin. Fadil Novalić je predložio da se ponovno sastane sa poslodavcima za 3. mjeseca. Ukoliko za tri mjeseca ništa od ovog navedenog na bude poduzeto Premijer Novalić smatra da onda i nemna potrebe da se dalje sastaju poslodavci i predstavnici Vlasti.

Zapisnik sačinila:

Predsjednik UO

Mersiha Jusić

Safudin Čengiđ